

文淵閣
四庫全書
電子版



【子部】



金匱鉤玄



迪志文化出版有限公司 出版
迪志文化出版有限公司為宜高科技集團成員

《文淵閣四庫全書電子書：金匱鉤玄》

出版：迪志文化出版有限公司
地址：香港中環皇后大道中99號中環中心29樓
電話：(+852) 2735 1263
傳真：(+852) 2730 8686
網址：<http://www.dheritage.com>
電郵：dvm.customer@dvm.com.hk
客戶服務熱線：(+852) 2302 3043

2001年7月初版

版權所有，請勿翻印

Copyright (C) 2000 Digital Heritage Publishing
All rights reserved. No part of this book shall be reproduced, stored in a retrieval system, or transmitted by any means, electronic, mechanical, photocopying, recording, or otherwise, without written permission from the publisher.

迪志電子書坊

下載電子書，訂購 Print On Demand 版本，請瀏覽
迪志電子書坊。

網址：<http://www.digiebooks.com>

欽定四庫全書

子部五

金匱鉤玄

醫家類

提要

臣等謹案金匱鉤玄三卷元朱震亨撰明戴

原禮校補中稱戴云者原禮說也未附論六

篇不列於卷第中一曰火豈君相五志俱有

論一曰氣屬陽動作火論一曰血屬陰難成

易虧論一曰滯下辨論一曰三焦之疾燥熱

欽定四庫全書

金匱鉤玄
提要

勝陰論一曰泄瀉經濕治有多方論皆不題

誰作觀其滯下辨論引震亨之言則亦原禮

所加也震亨以補陰為宗實開直補真水之

先其以鬱治病亦妙闡內經之旨開諸家無

窮之悟雖所用黃柏知母不如後人之用六

味圓直達本原所製越鞠丸亦不及後人之

用逍遙散和平無弊然華路縵縷究以震亨

為首庸是書詞旨簡明不愧鉤元之目原禮

所補亦多精確明史方技傳載此書於原禮

傳中卷數與今本同稱其附以己意人謂不

愧其師其為醫家善本可知矣原禮洪武中

御醫本名思恭以字行浦江人朱國禎湧幢

小品曰戴元禮國朝之聖醫也太祖稱為仁

義人太孫即位拜院使云云元禮即原禮蓋

國禎得諸傳聞故音同字異耳乾隆四十六

年九月恭校上

欽定四庫全書

金匱鉤玄
提要

總纂官 臣紀昀 臣陸錫熊 臣孫士毅

總校官 臣陸費墀



欽定四庫全書

金匱鈞玄卷一

元 朱震亨 撰

中風

大率主血虛有痰以治痰為先或虛挾火與濕亦有
死血留滯者外中於風者亦有中氣者當從痰治
順氣化痰若口開手散眼合遺尿吐沫直視喉如
鼾睡肉脫筋痛者皆不治

欽定四庫全書
金匱鈞玄
卷一

半身不遂大率多痰在左屬死血無血在右屬痰有

熱

氣虛在左者四物湯等加桃仁紅花竹瀝薑汁在右
者二陳湯四君子等加竹瀝薑汁

痰擁盛者口眼喎斜者皆當吐

吐法輕用瓜蒂蝦汁皂角重用藜蘆半錢或三分加

麝香灌入鼻內或口內吐痰出一吐不已再吐之

亦有虛而不可吐者

氣虛卒倒參芪補之

氣虛有痰濃參湯合竹瀝薑汁

血虛宜四物湯俱用薑汁炒恐泥痰再加竹瀝薑汁

入內服能食者去竹瀝加荊瀝

又法以猪牙皂角白礬等分為末薑湯調下名稀涎

散

血虛者四物湯補之 挾痰者亦用薑汁竹

脉訣內言諸不治證見則不可治筋枯者不治舉動

欽定四庫全書
金匱鈞玄
卷一

則筋痛者是筋枯以其無血滋潤故也

治痰氣實能食用荊瀝 氣虛少食用竹瀝此二味

用開經絡行血氣入四物湯中必用薑汁助之

肥白人多濕少用附子烏頭行經

初昏倒急掐人中至醒然後用去痰藥二陳湯四物

四君子等湯加減用

六鬱

戴云鬱者結聚而不得發越也當升者不得升當



降者不得降當變化者不得變化也此為傳化失常六鬱之病見矣氣鬱者胸脇痛脉沉澁濕鬱者周身走痛或關節痛遇陰寒則發脉沉細痰鬱者動則即喘寸口脉沉滑熱鬱者必小便赤脉沉數血鬱者四肢無力能食便紅脉沉食鬱者噯酸腹飽不能食人迎脉平和氣口脉緊盛者是也

氣血中和萬病不生一有怫鬱諸病生焉

欽定四庫全書



金匱鉤玄
卷一

氣鬱 香附子 蒼朮 川芎

濕 蒼朮 川芎 白芷

痰 海石 香附 南星 瓜蒌

熱 青黛 香附 蒼朮 川芎 梔子

血 桃仁 紅花 青黛 川芎 香附

食 蒼朮 香附 針沙_{醋炒} 山查 神麴_炒

春加芎 夏加苦參 秋冬加吳茱萸

越鞠丸 解諸鬱 又名芎朮丸

蒼朮 香附 撫芎 神麴 梔子等分為末
水丸如菉豆大

凡鬱皆在中焦以蒼朮撫芎開提其氣以升之假如食在氣上提其氣則食自降餘皆倣此

癰

大風病是受得天地間殺物之氣古人謂之癘風者以其酷烈暴悍可畏耳人得之者須分在上在下夫在上者以醉仙散取涎血於齒縫中出在下者

欽定四庫全書



金匱鉤玄
卷一

以通天散取惡物陳垂於穀道中取出雖有道路之異然皆不外乎陽明一經治此證者須知此意看其疙瘩與瘡上先見者上體多者在上也下先見者下體多者在下也上下同得者在上復在下也陽明胃經與大腸無物不受此風之入人也氣受之則在上多血受之則在下多血氣俱受之者上下俱多也自非醫者神手病者鐵心罕有免此夫從上從下以漸而來者皆可治人見其病勢



之緩多忽之雖按法施治病已痊可若不能忌口絕色皆不免再發發則終於不能救也余曾治五人中間惟一婦人不再發以其貧甚而且寡無物可喫也餘四人三四年後皆再發孫真人云吾嘗治四五十人終無一人免於死非真人不能治蓋無一人能守禁忌耳此婦人本病藥外又是百餘貼加減四物湯半年之上方得經行十分安愈

治法 在上者醉仙散在下者通天再造散後用通

欽定四庫全書 金匱鉤玄 卷一

神散及三稜針於委中出血但不能忌口絕房者

不治

醉仙散

胡麻仁 牛旁子 蔓荊子 枸杞子 各半兩 為粗末

同炒 白蒺藜 苦參 瓜蒌仁 防風 各半兩 紫色

右八味為細末每一兩半入輕粉二錢拌勻大人一錢空心日午臨睡各一服淡茶調下五七日間必於齒縫中出臭涎水渾身覺痛昏悶如醉利下

惡臭屎為度量大小虛實加減與之證候重而急者須以再造散下之候補養得還復與此藥喫須斷鹽醬醋諸般魚肉椒料果子燒炙等物止可淡粥及淡煮熟時菜食之茹尚不可食惟有烏稍蛇菜花蛇可以淡酒煮熟食之以助藥力

再造散

鬱金 半兩 生用 大黃 一兩 炮 皂角刺 一兩 黑者 白牽牛 頭末

六錢半炒 半生用

欽定四庫全書 金匱鉤玄 卷一

右為末五錢臨夜冷酒調下以淨桶伺候泄出虫如蛭口黑色乃是多年蛭口如赤色是近者三數日又進一服直候無蛭即絕根也

寒 主乎溫散

有卒中天地之寒氣有口傷生冷之物

戴云此傷寒謂身受肅殺之氣口食水瓜果冷物之類病者必脈沈細手足冷息微身倦雖身熱亦不渴倦言語或遇熱病誤用此法輕者至



重重者至死凡脈數者或飲水者或煩燥動搖者皆是熱病寒熱二證若水火也不可得而同治誤即殺人學者慎之

傷寒

傷寒必須身犯寒氣口食寒物者從補中益氣湯中加發散藥屬內傷者十居八九其法邪之所湊其氣必虛只用補中益氣湯中從所見之證出入加減氣虛熱甚者少用附子以行參耆之劑如果氣

欽定四庫全書
金匱鉤玄
卷一

虛者方可用此法 已上傷寒治法可用於南方不宜北

暑

戴云暑乃夏月炎暑也盛熱之氣著人也有胃有傷有中三者有輕重之分虛實之辨或腹痛水瀉者胃與大腸受之惡心者胃口有痰飲也此二者冒暑也可用黃連香薷飲蓋黃連退暑熱香薷消蓄水或身熱頭疼躁亂不寧者或身如

針刺者此為熱傷在分肉也當以解毒白虎湯加柴胡氣如虛者加人參或咳嗽發寒熱盜汗出不止脈數者熱在肺經用清肺湯柴胡天水散之類急治則可遲則不可治矣或火乘金也此為中暑凡治病須要明白辨別慎勿混同施治春秋間亦或有之切莫執一隨病處方為妙黃連香薷飲 挾痰加半夏 乘虛加人參黃耆或清暑益氣湯加減用

欽定四庫全書
金匱鉤玄
卷一

注夏 屬陰虛元氣不足

戴云秋初夏末頭痛脚軟食少體熱者是也補中益氣湯去柴胡升麻加炒黃栢挾痰止用南星半夏陳皮之類或生脈散出千金方

暑風

戴云暑風者夏月卒倒不省人事者是也有因火者有因痰者火君相二火也暑天地二火也內外合而炎爍所以卒倒也痰者人身之痰飲也



因暑氣入而鼓激痰飲塞碍心之竅道則手足不知動躡而卒倒也此二者皆可吐內經曰火鬱則發之挾火挾痰實者可用吐法吐即發散也量其虛實而吐之吐醒後可用清劑調治之

濕

戴云濕有自外入者有自內出者必審其方土之致病源東南地下多陰雨地濕九受必從外入多自下起以重腿脚氣者多治當汗散久者宜疎通滲泄西北地高人多食生冷濕麵或飲酒後寒氣怫鬱濕不能越作腹皮脹痛甚則水鼓脹滿或通身浮腫如泥按之不起此皆自內而出也辨其元氣多少而通利其二便責其根在內也此方土內外亦互相有之但多少不同須對證施治不可執一

本草蒼朮治濕上下俱可用

二陳湯加酒芩羌活蒼朮散風之藥行濕最妙

欽定四庫全書
金匱鉤玄
卷一

內傷

內傷病退後燥渴不解者有餘熱在肺家可用參苓甘草少許薑汁冷服或茶匙挑薑汁與之虛者可用人參湯試之病此者為多但有挾痰者有挾外邪者有熱鬱於內而發者皆以補元氣為主看其所挾之病而兼用藥

火

有可發者二 風寒外來者可發 鬱者可發

欽定四庫全書
金匱鉤玄
卷一

陰虛火動難治 火鬱當發看何經

輕者可降 重則從其性升之 實火可瀉

小便降火極速 九氣有餘便是火

火急甚重者必緩之生甘草

兼瀉兼緩人參白朮亦可

人壯氣實火盛顛狂者可用正治或硝水冰水飲之

人虛火盛狂者可用生薑湯與之若投以冰水正治

立死有補陰即火自降者炒黃柏地黃之類



山梔子仁大能降火從小便泄去其性能屈曲下行
降火人所不知

凡火盛者不可驟用涼藥必用溫散

又方左金丸治肝火

黃連六兩 茱萸一兩或半兩 水丸白湯下五十丸

傷風

戴云新咳嗽鼻塞聲重者是也

屬肺者多 散宜辛溫或辛涼之劑

欽定四庫全書
金匱鉤玄
卷一

發斑 屬風熱

戴云斑有色點而無頭粒是如有頭粒者即疹也

風熱挾痰而作自裏而發於外通聖散消息當以微

汗以散之下之非理也

內傷斑者胃氣極虛一身火遊行於外所致宜補以

降之發斑似傷寒者痰熱之病發於外微汗以散

之下之非理也

疹

戴云疹浮小有頭粒者是隨出即收收則又出者
是也非若斑之無頭粒也當明辨之

屬熱與痰在肺清肺火降痰或解散出汗亦有可下
者

溫疹

衆人病一般者是也又謂之天行時疫有三法宜補

宜降宜散

又方

欽定四庫全書
金匱鉤玄
卷一

大黃 黃芩 黃連 人參 桔梗 防風

蒼朮 滑石 香附 人中黃

右為末神麴為丸五六十九分氣血痰作湯使氣

虛四君子湯血虛四物湯痰多二陳湯送下如熱

甚者可用童子小便送下

大頭天行病東垣有方

羌活 酒芩 大黃 酒蒸

冬溫為病非其時而有其氣者冬時君子當閉藏而



反發泄於外專用補藥帶表

又方以竹筒兩頭留節中作一竅納甘草於中仍以

竹木釘閉竅於大糞缸中浸一月取出晒乾治疫

毒

瘡 有風有暑有食老瘡瘡母痰病

老瘡病此係風暑入陰分在臟用血藥川芎撫芎紅

花當歸加蒼朮白朮白芷黃栢甘草煎露一宿次

早服之無汗要有汗散邪為主帶補有汗要無汗

欽定四庫全書 金匱鉤玄 卷一

正氣為主帶散有瘡母者用丸藥消導醋煮鱉甲

為君三稜蓬朮香附隨證加減

三日一發者受病一年間發者受病半年一日一發

者受病一月連二日發者住一日者氣血俱受病

一日間一日者補藥帶表藥後用瘡丹截之在陰

分者用藥徹起在陽分方可截

又方

草果 知母 檳榔 烏梅 常山 甘草 灸

川山甲 炮 用水酒一大碗煎至半碗露一宿

臨發時前二時溫服如吐則順之

截瘡青蒿丸

青蒿 一兩 冬青葉 二兩 馬鞭草 二兩 官桂 二兩

右三葉皆晒乾秤為末法丸如胡椒子大每兩作

四服於當發前一時服盡

大法暑風必當發汗夏月多在風涼處歇遂閉其汗

而不泄因食者從食上治

欽定四庫全書 金匱鉤玄 卷一

瘡而虛者須先用參朮一二貼托住其氣不使下陷

後用他藥治內傷挾外邪者同法內必主痰必以

汗解二陳湯加常山柴胡黃芩草果

瘡而甚者發寒熱頭痛如破渴而飲水自汗可與參

耆朮苓連梔子川芎蒼朮半夏等治

久病瘡二陳湯加川芎蒼朮柴胡葛根白朮一補一

發

咳嗽



風寒 火主降火 勞 肺脹 火鬱

痰主降痰

戴云風寒者鼻塞聲重惡寒者是也火者有聲痰

少面赤者是也勞者盜汗出兼痰者多作寒熱

肺脹者動則喘滿氣急息重痰者嗽動便有痰

聲痰出嗽止五者大槩耳亦當明是否也

風寒行痰開腠理二陳湯加麻黃杏仁桔梗

火降火清金化痰

欽定四庫全書 金匱鉤玄 卷一

勞四物湯中加竹瀝薑汁必以補陰為主

肺脹而嗽者用柯子青黛杏仁柯子能治肺氣因火

傷極遂成鬱遏脹滿取其味酸苦有收斂降火之

功佐以海蛤粉香附瓜蒌青黛半夏麴

食積痰作嗽發熱者半夏南星為君瓜蒌蘿蔔子為

臣青黛石鰾為使

火鬱嗽者柯子海石瓜蒌青黛半夏香附

咳嗽聲嘶者此血虛受熱也用青黛蛤粉蜜調服

久嗽風入肺用驚管石雄黃鬱金欵冬花碾末和艾

中以生薑一片留舌上炙之以烟入喉中為度

乾咳嗽者難治此係火鬱之證乃痰鬱火邪在中用

苦梗以開之下用補陰降火不已則成勞倒倉法

此證不得愈者用之

嗽而脇痛宜疎肝氣用青皮等方在後二陳湯加南

星香附青黛薑汁

治嗽藥大槩多用生薑者以其辛散也

欽定四庫全書 金匱鉤玄 卷一

上半日嗽多者屬胃中有火貝母石膏能降胃火

午後嗽多者此屬陰虛必用四物湯加知母黃柏先

降其火

五更嗽多者此胃中有食積至此時候流入肺金知

母地骨皮降肺火

火氣浮於肺者不宜用涼藥用五味五倍飲而降之

有痰因火逆上者先治火後治其痰

肺虛甚者用參膏此好色腎虛有之以生薑陳皮佐



之大槩有痰者可加痰藥治之

治嗽多用粟殼不必疑但要先去病根此乃收後之

藥也 師云陰分嗽者多屬陰虛治之

有嗽而肺脹壅遏不得眠者難治

治嗽烟筒

佛耳草 欵冬花 鵝管石

右為末用紙捲燒其烟薰之或白湯調亦得

治嗽有痰天突肺腧二穴灸治嗽泄火熱大瀉肺氣

欽定四庫全書 金匱鉤玄 卷一

三椎骨下橫過各一寸半是穴

嗽春是春升之氣用清藥二陳加薄荊之類夏是火

炎上最重芩連秋是濕熱傷肺冬是風寒外來用

藥發散之後以半夏必逐去痰庶不再來

又方治嗽劫藥

五味子_{兩半} 五倍子_{錢一} 甘草_半 風化硝_{錢一}

為末以蜜為丸噙化之

痰脈浮當吐



凡治痰用利藥過多致脾氣下虛則痰反易生多也

溫痰 用蒼朮

老痰 海石 半夏 瓜蒌 香附 五倍子

熱痰 用青黛 黃連

食積痰 神麴 麥蘖 山查子

痰在腸胃間者可下而愈痰在經絡中者非吐不可

出吐法中就有發散之義也

膈上之痰必用吐之瀉亦不能去也

欽定四庫全書 金匱鉤玄 卷一

氣實痰熱結在上者則吐吐難得出或成塊或吐咯

不出氣滯兼鬱者此則難治矣

膠固者必用吐之

吐法兼用牙茶蘼水薑汁醋少許瓜蒌散少許加防

風桔梗皆升動其氣便吐也

吐法 用附子尖 桔梗蘆 人參蘆 瓜蒂

砒_{不甚} 藜蘆 艾葉 末茶

右藥此皆自吐不用手探但藥但湯皆可吐



吐法先以布搭膊勒腰於不通風處行此法蘿蔔子
半升搗和以漿水一碗濾去滓入少油與蜜旋至
半溫服後以鷺翎探吐凡用鷺翎須以桐油浸即
以皂角水洗去肥晒乾用之
又法用蝦帶殼半斤入醬蔥薑等料物煮汁先喫蝦
後飲汁以翎勾引吐必須緊勒肚腹
二陳湯一身之痰都能管如在下加下引藥如在上
加上引藥

欽定四庫全書

金匱鉤玄
卷一

凡人身上中下有塊者多是痰也問其平日好食何
物吐下後用藥
許學士用蒼朮治痰飲成窠囊一邊行極効痰挾瘀
血遂成窠囊
痰之清者屬寒用二陳湯之類
內傷挾痰必用人參黃耆白朮之屬多用薑汁傳送
或用半夏之屬虛甚者宜加竹瀝
痰熱者多挾風外證為多



迪志文化出版有限公司出版

濕者多軟如身倦而重之類熱者清之食積者必用
攻之兼氣虛者用補氣藥送
因火盛逆上者治火為先白朮黃芩石膏之類中氣
不足則加人參白朮痰之為物隨氣升降無處不
到
脾虛者清中氣二陳加白朮之類兼用提藥
中焦有痰與食積胃氣賴其所養卒不便虛若攻之
盡則虛矣

欽定四庫全書

金匱鉤玄
卷一

眩暈嘈雜乃火動其痰用二陳湯加梔子芩連之類
噫氣吞酸此係食鬱有熱火氣上動以黃芩為君南
星半夏為臣橘紅佐之熱多者加青黛
痰在脇下非白芥子不能達
痰在皮裏膜外者非薑汁竹瀝不可達
痰在膈間使顛狂健忘宜用竹瀝風痰亦服竹瀝又
又能養血痰在四肢非竹瀝不開
痰結核在咽喉燥不能出入化痰藥加軟堅鹹藥味



迪志文化出版有限公司出版

杏仁 海石 桔梗 連翹 瓜蒌仁

少佐樸硝以薑汁蜜調丸噙化之

海粉即海石熱痰能降濕痰能燥結痰能軟頑痰能

消可入丸子末子不可入煎藥

黃芩治熱痰假以降其熱也

竹瀝可滑痰非薑汁不能行經絡也

枳實瀉痰能衝牆壁 五倍子能治老痰

小胃丹治膈上痰熱風痰濕痰肩膊諸痛然能損胃

欽定四庫全書 金匱鉤玄 卷一

氣食積痰實者用之不宜多

青礞石丸去濕痰重在風化硝

潤下丸降痰最妙

陳皮 半斤去白以水化鹽半兩拌陳皮 甘草 一兩

右為末蒸餅丸菴荳大每服三十五丸溫水送下

油炒半夏大治濕痰又治喘止心痛粥丸薑湯下三

十丸

痰方

黃芩 空 香附 半夏 薑製 貝母已上治濕痰加瓜

蒌仁 青黛 作丸子治熱痰

中和丸

治濕痰氣熱 蒼朮 黃芩 香附 半夏 各等分

為末粥丸

燥濕痰方亦治白濁因痰者

南星 一兩 半夏 一兩 蛤粉 二兩 青黛 為衣

右為末神麴糊丸

欽定四庫全書 金匱鉤玄 卷一

痰嗽方

黃芩 一兩半 滑石 半兩 貝母 一兩 南星 一兩 風化硝 二錢

白芥子 半兩 去殼

右為末湯浸蒸餅為丸

導痰湯

半夏 四兩 南星 橘皮 枳殼 赤茯苓 一兩 甘草

半兩 用生薑煎服

千緡湯



半夏七枚泡製 皂角去皮炙一寸二分 甘草炙一寸 生薑指如大 煎服治喘

治痰方

南星 半夏 滑石 輕粉各三錢 巴豆三十粒 吳茱萸三兩 黃連八兩 粥為丸

軟石膏碾末醋丸如茱萸大瀉胃火食積痰

噯氣 胃中有火有痰

南星 半夏 軟石膏 莎草根 或湯或丸

欽定四庫全書 金匱鉤玄 卷一

吞酸

戴云濕熱在胃口上飲食入胃被濕熱鬱遏其食不得傳化故作酸也如穀肉在器濕熱則易為酸也

必用茱萸順其性而折之反佐 茱萸 黃連 嘈雜 只是痰因火動

戴云此即俗謂之心嘈也

梔子薑炒黃連不可無 梔子黃芩為君 南星

半夏 橘皮 熱多加青黛 肥人嘈雜二陳湯加撫芎用蒼朮白朮炒梔子

五疸

不用分五同是濕熱如蠶麴相似

戴云五疸者週身皮膚并眼如梔子水染因食積黃者量其虛實下其食積其餘但利小便為先 小便利白即黃自退

輕者小溫中丸 重者大溫中丸

欽定四庫全書 金匱鉤玄 卷一

熱多者加黃連 濕多者茵陳五苓散加食積藥

消渴泄瀉

先用白朮白芍藥炒為末調服後却服消渴藥 消渴 養肺 降火 生血為主 分上中下治

黃連末 天花粉末 人乳 生藕汁 生地 黃汁

右二物汁為膏入上藥搜和佐以薑汁和蜜湯為膏徐徐留於舌上以白湯少許送下



能食加軟石膏 瓜萆根治消渴神藥

水腫

戴云水腫者通身皮膚光腫如泡者是也以健脾

滲水利小便進飲食元氣實者可下

此因脾虛不能制水水積妄行當以參朮補脾氣得

實則自能健運自能升降運動其樞機則水自行

非五苓之行水也宜補中行濕利小便水切不可

下

欽定四庫全書 金匱鉤玄 卷一

二陳湯加白朮人參為主佐以蒼朮炒梔子

治積方 用鷄子略敲殼損膜不損浸於尿缸內三

四日夜取出煮熟食之効蓋雞子能去風痰

痢 身熱 後重 腹痛 下血

戴云痢雖有赤白二色終無寒熱之分通作濕熱

治但分新舊更量元氣用藥與赤白帶同

身熱挾外感

不惡寒小柴胡湯去人參

惡寒發熱為表證宜微汗和解

蒼朮 川芎 陳皮 芍藥 甘草 生薑煎

服

後重積與氣鬱墜下兼升兼消

或氣行血和積少但虛坐努力此為亡血倍用歸身

尾却以生芍藥生地黃桃仁佐之復以陳皮和之

或下痢而大孔痛者此因熱流於下也用木香檳榔

黃芩黃連炒乾薑

欽定四庫全書 金匱鉤玄 卷一

或纏退減十之七八積已盡糟粕未實當炒芍藥炒

白朮炙甘草陳皮茯苓湯下固腸丸三十粒然固

腸丸性燥有去濕實腸之功恐滯氣未盡者不可

遽用此藥只宜單服此湯可也

或痢後糟粕未實或食稍多或饑甚方食腹中作痛

者切勿驚恐以白朮陳皮各半盞煎服和之則安

或久痢後體虛氣弱滑瀉不止又當以柯子肉豆蔻

白礬半夏之類擇用以澁之甚則加牡蠣然須以



欽定四庫全書
金匱鉤玄
卷一

陳皮為佐若大澁亦能作痛又甚者灸天樞氣海
古方用厚朴為瀉凝滯之氣然朴太溫而散氣久服
大能虛人滯氣稍行即去之餘滯未盡以炒枳殼
陳皮然枳殼亦能耗氣比之厚朴少緩比陳皮亦
重滯退一半當去之只用陳皮以和諸藥陳皮去
白有補瀉之兼才若為參朮佐亦能補也
凡痢疾腹痛必以白芍藥甘草為君當歸白朮為佐
惡寒痛者加桂惡熱痛者加黃柏達者更能參以
歲氣時令用藥則萬舉萬全豈在乎執方而已哉
諸不治證
下痢純血者必死 下痢如麝腐色者死
下痢如屋漏者死 下痢如竹筒注者不可治
下痢如魚腦者半生半死
噤口痢 胃口熱甚故也
黃連多加人參煮湯終日呷之如吐了再喫開以降
之人不知此多用溫藥甘味此以火濟火以滯益

欽定四庫全書
金匱鉤玄
卷一

滯衰哉
一方臍中用田螺盒之以引下其熱
亦有誤服熱藥澁藥毒之犯胃者當明審以祛其毒
痢方亦作丸
大黃 黃連 黃芩 黃柏 枳殼 當歸
白芍藥 滑石 甘草 桃仁 白朮 各等分 為
末神麴糊丸
孫郎中因飲水過多腹脹瀉痢帶白
蒼朮 白朮 厚樸 茯苓 滑石
右煎服保和丸
小兒八歲下痢純血以食積治
蒼朮 白朮 黃芩 白芍 滑石 茯苓
甘草 陳皮 炒麴 煎下保和丸
又下痢法熱不止者屬陰虛用寒涼藥兼升藥熱
藥
泄瀉 濕 氣虛 火 痰 食積



戴云凡瀉水腹不痛者是濕也飲食入胃不住或

完谷不化者是氣虛也腹痛瀉水腹鳴痛一陣

瀉一陣是火也或瀉時或不瀉或多或少是痰

也腹痛甚而瀉瀉後痛減者是食積也

濕燥濕兼滲泄之四苓散加蒼朮白朮甚者二朮炒

氣虛人參白朮芍藥炒升麻

火宜伐火利小水黃芩木通入四苓散

痰積宜豁之海石青黛黃芩神麴蛤粉或用吐法

欽定四庫全書 金匱鉤玄 卷一

食積宜消導疎滌之神麴大黃

已上諸藥皆作丸子服之

凡泄瀉水多者仍用五苓散治之

世俗類用澁藥治痢與瀉若積久而虛者或可行之

而初得之者恐必變他疾為禍不小矣殊不知多

因於濕惟分利小水最為上策

止瀉方

肉苳蔻 五錢 滑石 春冬一兩二錢半 夏一兩半秋二兩

又方薑麴丸

陳麴 六兩 陳麥 亦可 茴香 五錢 生薑 一兩

右炒白朮炒麴炒芍藥或丸或散或湯作丸子切

當

脾泄

治一老人奉養太過飲食傷脾常常泄瀉亦是脾泄

白朮 二兩 白芍藥 一兩 神麴 一兩 山查 一兩

半夏 一兩 黃芩 五錢

欽定四庫全書 金匱鉤玄 卷一

右為末荷葉包飯燒為丸

治一老人年七十面白脉弦數獨胃脈沈滑因飲白

酒作痢下血淡水膿後腹痛小便不利裏急後重

參朮為君甘草滑石檳榔木香蒼朮最少下保和

丸二十五丸第二日前證俱減獨小便不利以益

元散服之

霍亂

戴云霍亂者吐也有聲有物凡有聲無物而躁亂



者謂之乾霍亂也

轉筋不住男子以手挽其陰女子以手牽其乳近兩

傍邊此乃千金妙法也

內有所積外有所感陽不升陰不降乖隔而成矣切

勿與米湯喫之立死 脈多伏為絕

見成吐瀉還用吐提其氣起

大法生薑理中湯最好 有可吐者 有可下者

吐用二陳湯加減亦可 或梓樹木煎湯吐亦可

欽定四庫全書



金匱鈞玄
卷一

乾霍亂

此病最難治死在須臾升降不通故也

此係內有物所傷外有邪氣所遏有用吐法者則兼

發散之義也

吐提其氣極是良法 世多用鹽湯

有用溫藥解散者 其法解散不用涼藥

二陳湯加和解散 川芎防風蒼朮白芷

嘔吐

凡有聲有物謂之嘔吐有聲無物謂之噦

有痰隔中焦食不得下者 有氣逆者

有寒氣鬱於胃口者 胃中有痰有熱

然胃中有火與痰而致嘔吐者多

朱奉議以半夏生薑橘皮為主

孫真人誤以噦為咳逆

劉河間謂吐者火氣炎上此特一端耳

胃中有熱膈上有痰二陳湯加炒梔子黃連生薑

欽定四庫全書



金匱鈞玄
卷一

久病嘔者胃虛不納穀也生薑人參黃耆白朮香附

惡心 有熱 有痰 有虛

戴云惡心者無聲無物但心中欲吐不吐欲嘔不

嘔雖曰惡心非心經之病其病皆在胃口上宜

用生薑蓋能開胃豁痰也 皆用生薑隨證用

藥

翻胃 即膈噎 膈噎乃翻胃之漸 發揮備言

戴云翻胃有四血虛氣虛有熱有痰血虛者脈必



數而無力氣虛者脈必緩而無力氣血俱虛者則口中多出沫但見沫大出者必死有熱者脈數而有力有痰者脈滑數二者可治血虛者四物為主氣虛者四君子為主熱以解毒為主痰以二陳為主

大約有四 血虛 氣虛 有熱 有痰兼病

必用童便竹瀝薑汁牛羊乳

糞如羊屎者斷不可治大腸無血故也

欽定四庫全書 金匱鉤玄 卷一

痰用二陳湯為主寸關脈沈或伏而大

有氣滯結者通氣之藥皆可用也寸關脈沈而澹

氣虛四君子湯為主血虛四物湯為主左手脈無力

大不可用香燥之藥服之必死宜薄滋味

馬剝兒燒灰存性一錢重好棗肉平胃散二錢溫酒

調服食即可下然後隨病源調理神効

陳皮 三斤 三兩 朴 三斤 二兩 草 三十兩 蒼 五斤

傷食



迪志文化出版有限公司出版

戴云惡食者胸中有物導痰補脾二陳湯加 白朮 山查 川芎 蒼朮 食積兼濕 東垣有法有方

又痞滿方

右用皂角仁浸濃汁丸如梧桐子大每服五七丸

黃連化痰丸

黃連 一兩 陳皮 五錢 吳茱萸 酒浸 一錢 半夏 一兩半

右為末入桃仁二十四箇研如泥和勻神麴糊丸

欽定四庫全書 金匱鉤玄 卷一

如葶苈大每服百丸薑湯送下

消痰方

益元散 七錢 吳茱萸 三錢

治鬱痰方

白僵蚕 杏仁 瓜蒌 柯子 貝母

喘

戴云有痰喘有氣急喘有胃虛喘有火炎上喘痰喘者凡喘便有痰聲氣急喘者呼吸急促而無



迪志文化出版有限公司出版

痰聲有胃虛喘者，檯肩縮肚喘而不休，火炎上喘者，乍進乍退，得食則減，食已則喘。大槩胃中有實火，膈上有稠痰，得食咽墜，下稠痰喘即止。稍以食已入胃，及助其火，痰再升，上喘反大作。俗不知此，作胃虛治，以燥熱之藥，以火濟火也。昔葉都督患此，諸醫作胃虛治之不愈。後以導水丸利五六次而安。

凡久喘未發，以扶正氣為要；已發，以攻邪為主。有氣

欽定四庫全書



金匱鉤玄
卷一

虛短氣而喘，有痰亦短氣而喘。

有陰虛自小腹下火起而上者。

喘急有風痰者，婦人大全方十緡湯。

陰虛有痰喘急者，補陰降火四物湯加枳殼半夏。

氣虛者，人參蜜炙黃柏麥門冬地骨皮之類。

大槩喘急之病，甚不可用苦藥涼藥。火氣盛故也可用導痰湯加十緡湯治之。

諸喘不止者，用切藥一二貼則止之。切藥之後，因痰

治痰因火，治火椒目碾極細末，用一二錢以生薑湯調下。

又法用蘿蔔子蒸熟為君，又皂角燒灰等分為末，以生薑汁煉蜜為丸。小桐子大，每服五七十九丸，噙化之。

哮 專主於痰，宜吐法。

治哮必用薄滋味，不可純用涼藥。必帶表散黃芩麥門冬制肝木。若腹脹少，佐厚朴氣不運，加木香木

欽定四庫全書



金匱鉤玄
卷一

通

氣若陷下，升麻柴胡提之。隨證加減，必須補中。

產後必用大補氣血為主。少佐以蒼朮茯苓，使水日

降。用大劑白朮補脾，壅滿用半夏陳皮香附監之。

有熱當清肺。麥門冬黃芩之屬。

一方用山梔子去皮取仁炒槌碎，米飲送下。若胃脘熱病在上者，帶皮用。

鼓脹 又名單鼓 其詳在格致論中



大補中氣行濕此乃脾虛之甚須必遠音樂斷厚味		以		大劑人參白朮佐以陳皮茯苓蒼朮之類		有血虛 當以四物湯行血		脈實兼人壯盛者或可用攻藥使用收拾白朮為主		厚朴治腹脹因味辛以散其氣在中焦故也		自汗 屬氣虛 虛濕熱 陽虛		東垣有法有方		人參 黃芪 少佐桂枝		陽虛附子亦可用		撲法		牡蠣 麸皮 藁本 糯米 防風 白芷		麻黃根 為末週身撲之		火氣上蒸胃中之濕亦能作汗涼膈散主之痰證亦		有汗者		盜汗 血虛 陰虛		戴云盜汗者睡則汗自出覺則無矣非若自汗而	
----------------------	--	---	--	------------------	--	-------------	--	----------------------	--	-------------------	--	---------------	--	--------	--	------------	--	---------	--	----	--	-------------------	--	------------	--	----------------------	--	-----	--	----------	--	---------------------	--

欽定四庫全書
金匱鉤玄
卷一



自出也 小兒不須治		東垣有法有方當歸六黃湯		盜汗方		白朮 四兩一兩用黃芪同炒一兩用石斛同炒 一兩用牡蠣末同炒一兩用麸皮同炒各 微黃色餘藥不 用只用白朮		右為細末每服三錢用粟米湯調下盡四兩為效		吃逆 有痰 氣虛 陰火 視其有餘不足治之		戴云吃逆者因痰與熱胃火者極多		不足者人參白朮湯下大補丸		有餘并痰者吐之人參蘆之屬		頭風 有痰者多		左屬風 荊芥 薄荷		屬血虛 川芎 當歸 芍藥		右屬痰 蒼朮 半夏 屬熱 黃芩		搐藥有用華撥猪膽		頭痛 多主於痰	
-----------	--	-------------	--	-----	--	--	--	---------------------	--	----------------------	--	----------------	--	--------------	--	--------------	--	---------	--	-----------	--	--------------	--	-----------------	--	----------	--	---------	--

欽定四庫全書
金匱鉤玄
卷一



痛甚者火多 亦有可吐者 亦有可下者

清空膏治諸般頭痛除血虛頭痛不治

血虛頭痛自魚尾上攻頭痛必用川芎當歸湯

古方有追涎藥 出東垣試効

羌活 防風 黃連各炒一兩 柴胡七錢 川芎二錢

甘草炙一兩半 黃芩三兩刮取黃色剉碎一半酒炒一半

右為末每服二錢匕熱盞內入茶少許湯調如膏抹在口內少用湯送下臨卧服之

欽定四庫全書 金匱鉤玄 卷一

頭眩

痰挾氣虛火治痰為主 挾補氣藥并降火藥

屬痰 無痰則不能作眩

屬火 痰因火動 又有濕痰者 有火多者

左手脈數熱多 脈濇有死血

右手脈實痰積 脈大必是久病

眩暈 火動其痰

二陳湯加黃芩蒼朮羌活散風行濕或用防風行濕

之劑可也

昔有一老婦患赤白帶一年半是頭眩坐立不久睡之則安 專用治赤白帶除之其眩則自安矣

眉稜痛

風熱痰 作風痰治類痛風

白朮酒黃芩末茶調

又方川烏頭草烏二味為君童便浸洗炒去毒細辛黃芩羌活甘草佐之

欽定四庫全書 金匱鉤玄 卷一

耳聾

少陽厥陰熱多 皆屬於熱耳鳴者是

戴云亦有氣閉者蓋亦是熱氣閉者耳不鳴也

葶麻子四十粒 棗肉十箇

右入人乳搗成膏子石頭上略晒乾便丸如桐子

大以綿裹塞於耳中

又方用鼠膽入耳中尤好 仍開痰散風熱

大病復須用四物湯降火



有陰虛火動耳聾者亦如上法

欽定四庫全書
金匱鈞玄
卷一

金匱鈞玄卷一



迪志文化出版有限公司出版

欽定四庫全書

予部
金匱鈞玄卷二

詳校官太醫院八品吏目黃發

編修臣倉聖脈覆勘

總校官知縣臣楊懋珩

校對官中書臣康儀鈞

謄錄監生臣喬元賦



迪志文化出版有限公司出版

欽定四庫全書

金匱鉤玄卷二

元 朱震亨 撰

心痛 即胃腕痛

心痛雖日數多不喫飲食不死若痛方止便喫還痛
必須三五服藥後方可喫物

大凡心膈之痛須分新久若明知身受寒氣口食寒
物而病於初得之時當以溫散或溫利之藥若曰

欽定四庫全書
金匱鉤玄
卷二

病得之稍久則成鬱矣鬱則蒸熱熱則久必火原
病式中備言之矣若欲行溫利寧無助火添病耶
由是古方中多以山梔為熱藥之向導則邪伏而
病易退正易復而病易安雖然病安之後若縱恣
口味不改前非病復作時必難治也

山梔炒去皮每十五箇濃煎湯一呷入生薑汁令辣
再煎小沸服或入芎一錢尤妙山梔大者用七箇
或九箇大槩胃口有熱而作痛非山梔子不可佐

以薑汁或半夏橘紅各五黃芩三甘草一

用二陳湯加蒼芎倍加炒梔痛甚者加炒乾薑從之

反治之法心痛輕者散之麻黃桂枝重者加石鱗

川芎蒼朮梔子必炒去皮用作丸服

凡治病必須先問平日起居如何假如心痛有因平
日喜食熱物以致死血流於胃口作痛用桃仁承
氣湯下之切記輕者用韭汁桔梗能開提氣血藥
中兼用之

欽定四庫全書
金匱鉤玄
卷二

以物柱按痛則止者挾虛也以二陳湯加炒乾薑和
之有虫痛者面上白斑唇紅能食屬虫治苦練根
錫灰之類脉堅實不大便者下之
痛甚者脉必伏多用溫藥不用參朮可用附子
諸痛不可用補氣藥

客寒犯胃草荳蔻丸用之熱亦可用止用一二服

草荳蔻 一錢四分 衆
燒熱去皮 吳茱萸 湯炮洗去
梗焙秤

益智仁 白僵 橘皮 人參



黃芪 各八分 生甘草 歸身 炙甘草

青皮 各六分 麴末 薑黃 各四分 桃仁 七箇去皮

半夏 洗一錢 麥蘖 澤瀉 一錢小便多減半

柴胡 四分 詳膈下痛多為用之

右一十八味除桃仁另研如泥外餘極細末同桃仁研勻用湯泡蒸餅為丸如桐子大每服三十丸食遠用熱白湯送下旋斟酌多少用之

又方用黃荊子炒焦為末米飲調服亦治白帶

欽定四庫全書 金匱鉤玄 卷二

又方脾痛用海蛤粉佐以香附末用川芎山梔生薑

煎辣湯調服為佳

又方單用牡粉酒調下一二錢氣實不可用

腰疼 濕熱 腎虛 瘀血

濕熱腰疼者遇天陰或久坐而發者是腎虛者疼之不已者是也瘀血者日輕夜重者是

脉大者腎虛用杜仲龜板黃栢知母枸杞五味之類用猪脊髓丸

脉澁者瘀血用補陰丸中加桃仁紅花

濕熱者用蒼朮杜仲黃栢川芎

痰者用南星

凡諸痛皆屬火寒涼藥不可峻用必用溫散之藥

諸痛不可用人參蓋人參補氣氣旺不通而痛愈甚

臍下忽大痛者人中如黑色者多死難治也

人面上忽有紅點者多死

脇痛

欽定四庫全書 金匱鉤玄 卷二

肝火盛 木氣實 有死血 肝急 有痰流注

木氣實 川芎 蒼朮 青皮 當歸

龍會丸瀉火要藥

死血

痰流注 二陳湯加 南星 蒼朮 川芎

肝苦急急食辛以散之用撫芎蒼朮血病入血藥中

行血脇痛甚者用薑汁下龍會丸肝火盛故也

咳嗽脇痛二陳湯加南星多香附青皮青黛薑汁



腹痛 有寒 積熱 死血 食積 濕痰	戴云寒痛者綿綿痛而無增減者是時痛時止者是熱也死血痛者每痛有處不行移者是也食積者甚欲大便利後痛減者是濕痰者凡痛必小便不利	脉弦强者食 脉滑者痰	滑痰多作腹痛用苔芎蒼朮香附白芷生薑汁入湯服腹中水鳴乃火繫動其水也二陳湯加黃芩黃連梔子	凡心腹痛必用溫散此是鬱結不散阻氣不運故病在下者多屬食宜溫散之	一老人腹痛年高不禁下者用	川芎 蒼朮 香附 白芷 乾薑 茯苓	滑石	痛風	四肢百節走痛 風熱 風濕 血虛 有痰
-------------------	---	------------	--	--------------------------------	--------------	-------------------	----	----	--------------------



大法之方 蒼朮 南星 川芎 白芷 當歸	酒黃芩	在上者加羌活 桂枝 桔梗 葳靈仙	在下者加牛膝 防己 木通 黃柏	血虛者多用川芎 當歸 佐以桃仁 紅花	薄桂治痛風無味而薄者獨此能橫行手臂領南星 蒼朮等治之	上中下痛風方	欽定四庫全書 金匱鉤玄 卷二	葳靈仙 三錢 南星 二兩 苔芎 一兩 白芷 半兩	桃仁 五錢 桂枝 三錢 防己 半錢 蒼朮 二兩	黃柏 二兩 酒浸炒 紅花 半錢 羌活 三錢 神麴 炒 一兩	草龍膽 五分	張子元氣血虛有痰濁陰火痛風	人參 一兩 白朮 二兩 黃柏 二兩 炒 山藥 一兩	海石 一兩 瑣陽 五錢 乾薑 五錢 燒灰 南星 一兩	敗龜板 二兩 熟地黃 二兩 粥為丸
---------------------	-----	------------------	-----------------	--------------------	----------------------------	--------	----------------	--------------------------	-------------------------	-------------------------------	--------	---------------	---------------------------	----------------------------	-------------------



治臂痛

半夏 一錢 陳皮 五分 茯苓 五分 蒼朮 一錢半

酒苓 一錢 靈仙 三分 白朮 一錢 甘草 少許

南星 一錢 香附 一錢

勞瘵 其主在乎陰虛 痰與血病

青蒿一斗五升童便三斗文武火熬約童便減二斗

去蒿熬至一斗入猪膽汁七箇再熬數沸甘草末

收之

欽定四庫全書 金匱鉤玄 卷二

虛勞身瘦屬火因火燒爍

勞病四物湯加人尿薑汁

咳血 痰盛 身熱多是血虛

戴云咳血者嗽出痰內有血者是嘔血者嘔全血

者是咯血者每咯出皆是血疙瘩衄血者鼻中

出血也溺血小便出血也下血者大便出血也

雖有名色分六俱是熱證但有虛實新舊之不

同或妄言為寒者誤也 青黛 訶子 山梔

海石 瓜蒌仁

右為末薑汁蜜調噙化嗽甚者加杏仁後以八物

湯加減調理

身熱多是血虛四物湯加減

嘔血 火載血上錯經妄行

脉大發熱喉中痛者是氣虛用人參黃芪蜜炙黃柏

荊芥並當歸生地黃用之

嘔血用韭汁童便薑汁磨鬱金同飲之其血自清

欽定四庫全書 金匱鉤玄 卷二

火載血上錯經妄行四物湯加炒梔子童便薑汁

山茶花童便薑汁酒調

鬱金末治吐血入薑汁童便

痰帶血絲出者童便薑汁竹瀝

又方用韭汁童便二物相合用鬱金細研入在二物

之內同飲其血自消

又方治衄血上行鬱金如無山茶薑汁童便和好酒

調服即止之



咯血

薑汁童便青黛入血藥中用之加四物湯地黃膏牛

膝膏之類

衄血

涼血行血為主 犀角地黃湯入鬱金同用經血逆

行或血腥或唾血吐血用韭葉汁立效

溺血 屬熱

山梔子炒水煎服 或用小薊琥珀

欽定四庫全書 金匱鉤玄 卷二

有血虛者四物湯加牛膝膏

下血

不可純用寒涼藥必於寒涼藥中用辛味并溫如酒

浸炒涼藥酒煮黃連之類

有熱四物湯加炒梔子升麻秦艽膠珠

下血屬虛當溫散四物湯加炮乾薑升麻

又方用白芷五倍子丸

凡用血藥不可單行單止

有風邪下陷宜升提之蓋風傷肝肝生血故有濕傷

血宜行濕消熱可也

內經謂身熱即死寒則生此亦是大槩言之必兼證

詳之則可今豈無身熱生寒而死者

脉沉小流連或微者易治

脉浮大洪數者難愈宜滑不宜弦

仲景治痢可溫者五法可清者十法或解表或利小

便或待其自己區分易治難易極密但與瀉同立

欽定四庫全書 金匱鉤玄 卷二

法不分學者當辯之

大孔痛一曰溫之一曰清之

久病身冷自汗脉沉小者 宜溫

暴病身熱脉浮洪者宜清

有可吐者 有可下者 有可汗者

初得時元氣未虛必推蕩之此通用之法稍久氣虛

則不可

先水泄後膿血此脾傷腎賊邪難愈



先膿血後水泄此腎傷脾微邪易愈

如荳汁者濕也蓋脾胃為水穀之海無物不受常兼

四藏故如五色之相雜當先通利此迎而奪之之

義如虛者亦宜審之

因熱而作不可用巴豆等藥如傷冷物者或可用亦

宜謹之

又有時疫作痢或至一家之內上下傳染相似却宜

明運氣之勝復以治之

欽定四庫全書



金匱鉤玄
卷二

腸風 獨在胃與大腸出

黃芩 夫芩 槐角 升麻 青黛

夢遺 專主熱 脫精

戴云因夢交而出精者謂之夢遺不因夢而自泄

精者謂之精滑皆相火所動以則有虛而無寒

者也

帶下與夢遺同法治

青黛 海石 黃柏 即春樹根丸

內傷氣血不能固守當補八物湯加減吞椿樹根丸

思想成病其病在心安神帶補熱則流通

知母 黃柏 蛤粉

精滑 專主濕熱

戴云滑者小便精滑下也俱是膀胱濕熱雖有赤

白之異終無寒熱之別河間云天氣熱則水渾

濁寒則澄徹清冷由此觀之濁之為病濕熱明

矣

欽定四庫全書



金匱鉤玄
卷二

黃柏 知母 牡蠣 蛤粉

又方 良薑 三錢 芍藥 二錢 黃柏 二錢 燒灰 存性

樗樹皮 白皮 一兩半

右為末糊為丸每服三十丸

濁

濕熱 有痰 有虛 赤濁屬血 白濁屬氣

寒則堅凝 熱則流通

大率皆是濕熱流注宜燥中宮之濕用二陳湯加蒼



術白朮燥去濕赤者乃是濕傷血加白芍藥仍用珍珠粉丸加椿樹根皮滑石青黛等作丸	虛勞者用補陰藥大槩不利熱藥	肥白人必多痰以二陳湯去其熱胃弱者兼用人參	以柴胡升麻升胃中之氣丸藥用 青黛	黃栢炒褐色 乾薑炒微黑 海石 蛤粉	胃中濁氣下流為赤白濁者用柴胡升麻蒼朮白朮	二陳湯丸藥用樗末蛤粉炒薑炒黃栢	欽定四庫全書 金匱鉤玄 卷二	專主胃中之濁氣下流滲入膀胱用青黛蛤粉	肝脉弦者用青黛以瀉肝	又方 黃栢一兩炒黑 生栢二錢半一作三兩 海石 三兩	神麴五錢 為末水丸	有熱者 黃栢 滑石 青黛之類	燥濕痰 南星 半夏 蛤粉	右神麴為丸青黛為衣或用海石代麴	張子元氣血兩虛有痰痛風時作陰火間起小便白
--	----------------------	-----------------------------	-------------------------	--	-----------------------------	------------------------	-----------------------	---------------------------	-------------------	--	---------------------------------	-----------------------	---------------------	------------------------	-----------------------------

濁或帶下赤白方在前痛風中	一人便濁常有半年或時夢遺形瘦作心虛主治珍	珠粉丸和勻定志丸服	一婦人年近六十形肥奉養膏粱飲食肥美中焦不	清濁氣流入膀胱下注白濁白濁即是濕痰也	戴云斷用二陳湯去痰加升麻柴胡升胃中之清	氣加蒼朮去濕白朮補胃全在活法服四貼後	濁減大半覺胃滿因柴胡升麻升動其氣痰阻	欽定四庫全書 金匱鉤玄 卷二	滿閉用二陳湯加炒麴白朮素無痰者升動胃	氣不滿	丸藥方 青黛 椿皮 蛤粉 滑石 乾薑炒	黃栢炒	右為末炒神麴糊丸仍用前燥濕痰丸亦能治帶	又方 滑石利竅 黃栢治濕熱 青黛解鬱結	蛤粉鹹寒入腎	炒乾薑味苦欬肺氣下降使陰血生乾薑塩制之
---------------------	-----------------------------	------------------	-----------------------------	---------------------------	----------------------------	---------------------------	---------------------------	-----------------------	---------------------------	------------	---	---------------------------	----------------------------	----------------------------	---------------	----------------------------



淋 皆屬於痰熱

淋者小便淋瀝欲去不去不去又來皆屬於熱也

鮮熱利小便山梔子之類用苦藥甘草煎服諸藥中

皆加牛膝

老人亦有氣虛者人參白朮中帶木通山梔

亦人死血作淋者以牛膝作膏此證亦能損胃不食

小便不通 氣虛 血虛 痰 風閉 實熱

吐之以提其氣氣升則水自下蓋氣承載其水也

欽定四庫全書 金匱鉤玄 卷二

氣虛用人參黃芪升麻等先服後吐或參芪藥中探

吐

血虛四物湯先服後吐芎歸湯吐亦可痰多二陳湯

先服後吐皆用探吐

痰氣閉塞二陳湯加木香香附探吐實熱利之

一婦人脾疼後患大小便不通此是痰隔中焦氣滯

於下焦二陳湯加木通初喫後煎滓吐之

關格

戴云關格者謂膈中覺有所碍欲升不升欲降不

降欲食不食此為氣之橫格也

必用吐提其氣之橫格不必在出痰也

有痰以二陳湯吐之吐中便有降有中氣虛不運者

補氣藥中升降

小便不禁 屬熱 屬虛

戴云小便不禁出而不覺赤者有熱白者為氣虛

也熱者五苓散加解毒散虛者五苓散加四物

欽定四庫全書 金匱鉤玄 卷二

湯

癰 驚 痰 宜吐

戴云癰者俗曰猪癰風者是也

大率行痰為主

黃連 南星 瓜蒌 半夏

尋痰尋火分多少治無不愈

分痰分熱有熱者以涼藥清其心

有痰者必用吐藥吐後用東垣安神丸



此證必用吐吐後用平肝之藥青黛柴胡川芎之類
健忘

戴云健忘者為事有始無終言談不知首尾此以
為病之名非比生成之愚頑不知世事者

精神短少者多 亦有痰者

怔忡 大故屬血虛

有慮便動屬虛 時作時止痰因火動

戴云怔忡者心中不安惕惕然如人將捕者是也

欽定四庫全書



金匱鉤玄
卷二

瘦人多是血少 肥人屬痰尋常者多是痰

真覺心跳者是血少用四物安神之類

驚悸 血虛 用硃砂安神丸

瘕 大率與癰病相似

多是血虛有火兼痰人參竹瀝之類不用兼風藥

血塊 一名積瘕

塊在中為痰飲 在右為食積 在左為血積

氣不能作塊成聚塊乃有形之物痰與食積死血此

理曉然醋煮海石三稜莪朮桃仁紅花五靈脂香
附之類

白朮湯吞下瓦龍子能消血塊次消痰

治塊當降火消食積食積即痰也

行死血塊去須大補石鱗一物有痰積有血塊可用

洗滌垢膩又消食積

吐虫

以黑錫炒成灰檳榔末米飲調

欽定四庫全書



金匱鉤玄
卷二

癥瘕

戴云積聚癥瘕有積聚成塊不能移動者是癥或

有或無或上或下或左或右者是瘕

用蜀葵根煎湯煎人參白朮陳皮青皮甘草梢牛膝

成湯入細研桃仁玄明粉各少許熱飲一服可見

塊下

病重補接之後加減再行

消塊丸即千金大消石丸止可磨塊不令人困須量



虛實而用可也

硝石 六兩 大黃 八兩 人參 甘草 各三兩

右為末以三年苦酒三斗置銅器中以竹片作準每入一升作一刻柱器中熬先納大黃不住手攪使微沸盡一刻乃下餘藥又盡一刻微火熬使可丸則取丸如雞子中黃大每服一丸米飲下如不能大丸則作小丸如桐子大每服三十丸後下如雞肝如米泔赤黑等色下後忌風冷淡軟粥將理

欽定四庫全書 金匱鉤玄 卷二

又三聖膏

未化石灰 半斤為末瓦器中炒令淡紅色

大黃 一兩為末就爐炒候熱減入下桂心末 桂心 半兩為末畧炒入米醋熬成膏

藥厚攤患處

貼積聚塊 大黃 朴硝 各一兩

右為末用大蒜搗膏和勻貼之

痞塊在皮裏膜外須用補氣香附開之兼二陳湯加

補氣藥先須斷厚味



迪志文化出版有限公司出版

茶癖 石膏 黃芩 升麻

右為末砂糖水調服

瘰癧氣 先須斷厚味 海藻 一兩 黃藥 二兩

右為末以少許置於掌中時時舐之津嚥下如消三分之二須止後藥服

食積一方乃在婦人門食積條下

疝

濕熱痰積流下作痛大槩因寒鬱而作也即是痰飲

欽定四庫全書 金匱鉤玄 卷二

食積并死血

戴云疝本屬厥陰肝之一經余嘗見俗說小腸膀

胱下部氣者皆妄言也

子和云疝本肝經宜通勿塞只此見治之法

專主肝經與腎絕無干 不宜下

癰濕多 疝氣灸大敦穴

食積與瘀血成痛者

梔子 桃仁 山查 枳實 吳茱萸



迪志文化出版有限公司出版

右為末生薑汁順流水作湯調服

按之不定必用桂枝屬虛

桂枝 山梔炒 烏頭細切炒

右為末薑汁為丸每服三十丸切痛

治疝方定痛速效 濕勝者加荔枝

枳殼十五箇 山梔炒 糖棗炒 茱萸炒

又方守丸治癰要藥不疼者

蒼朮 南星 白芷 山查 川芎 半夏

欽定四庫全書 金匱鉤玄 卷二

枳實 為末神麴作丸

治陽明受濕熱傳入大腸惡寒發熱小腸連毛際結

核悶痛不可忍

山梔炒 枳殼炒 桃仁炒 山查等分

右研細砂鉢內入生薑汁用水一盞煎令沸熱服

之

治諸疝發時用海石香附二味為末以生薑汁湯調

服亦能治心痛

治疝方

梔子 桃仁 橘核 茱萸 川烏

右碾煎服切藥用烏頭細切炒梔子枳核散單止

痛

腳氣

蒼朮鹽炒 白朮 防己 檳榔 川芎 犀角

甘草 木通 黃連 生地黃酒炒 黃柏

有熱加 黃芩 黃連

欽定四庫全書 金匱鉤玄 卷二

有痰加竹瀝薑汁

大熱及時令熱加石膏大便實加桃仁小便澀加牛

膝

有食積流注

蒼朮 黃柏 防己 南星 川芎 白芷丸作

犀角 檳榔 血虛加牛膝 龜板

如常腫者專主乎濕熱朱先生有方肥人加痰藥

戴云有腳氣衝心宜四物加炒栝再宜湧泉穴用



附子津拌貼以艾炙泄引其熱

健步丸

歸尾 芍藥 陳皮 蒼朮 各一兩 生地黃 一兩

大腹子 三牛膝 芩朮 各半兩 黃芩 半兩 桂枝 二錢

右為末蒸餅為丸每服百丸白朮通草煎湯食前

下

一婦人足腫

黃柏 蒼朮 南星 紅花 酒草龍膽 川芎

欽定四庫全書 金匱鉤玄 卷二

牛膝 酒洗 生地黃

筋動於足大指動上來至大腿近腰結了奉養厚因

風寒作四物湯加酒芩紅花蒼朮南星

筋轉皆屬乎血熱四物湯加酒芩紅花

大病虛脫本是陰虛用艾炙丹田者所以補陽陽生

則陰生故也不可用附子可用參多服

痿

斷不可作風治而用風藥

濕熱 痰 無血而虛 氣弱 瘀血

濕熱東垣健步方中加燥濕降陰火藥芩柏蒼朮之

類

濕痰二陳湯中加蒼朮白朮黃芩之類入竹瀝

氣虛四君子湯中加蒼朮黃芩黃柏之類

血虛四物湯中蒼朮黃柏下補陰丸

亦有食積妨碍不得降者 亦有死血者

健步丸方

欽定四庫全書 金匱鉤玄 卷二

羌活 柴胡 滑石 炒 甘草 炙 天花粉 酒製各

防己 酒及 防風 澤瀉 各三錢 肉桂 半錢 川烏

苦參 酒製各一錢

右為末酒糊丸如桐子大每服七十九煎愈風湯

以空心服下之

發熱 陰虛難治

戴云凡脉數而無力者便是陰虛也

陰虛發熱用四物湯加黃柏兼氣虛加參芪白朮蓋



四物湯加黃栢是降火補陰之妙藥

又云陰虛發熱用四物湯甚者加龜板炒黃栢

喫酒人發熱者難治

不飲酒之人若因酒而發熱者亦難治

一男子年三歲因酒發熱用青黛瓜蒌仁薑汁每日

以數匙入口中三日而愈

陽虛惡寒

戴云凡背惡寒甚者脉浮大而無力者是陽虛也

欽定四庫全書
金匱鈞玄
卷二

用人參黃芪之類甚者加附子少許以行參芪

之氣

一女子惡寒用苦參一錢赤小豆一錢為末薑水吐

用川芎蒼朮南星黃芩酒麴丸

手心熱

梔子 香附 蒼朮 白芷 川芎 半夏

生用

右為末麴糊丸

手麻

此是氣虛也

手木 東垣云麻木氣不行也補肺中之氣是濕痰死

血 十指麻是胃中有濕痰死血

厥 因痰 用白朮 竹瀝

厥者手足冷也熱厥逆也非寒證因氣虛血虛 熱

承氣湯外感解散加薑汁酒

面寒面熱

火起 寒鬱熱 面寒 退胃熱

欽定四庫全書
金匱鈞玄
卷二

喉痺

大槩多是痰熱也只以桐油吐之

或用射干逆流水吐

又方用李實根皮一片噙口內更用李實根碾水傳

項上一遭立效新採園中者

纏喉風

戴云屬痰熱纏喉風者謂其咽喉裏外皆腫者是

也用桐油以鵝翎探吐



又法用燈油脚探吐之

又方用遠志去心水調傅項上一遭立效

喉咽生瘡並痛

多屬虛血熱游行無制客於咽喉人參蜜炙黃柏荆

芥

虛 人參 竹瀝 無實火

熱 黃連 荆芥 薄荷 硝石

右為細末用蜜薑汁調噙

欽定四庫全書 金匱鉤玄 卷二

血虛 四物湯中加竹瀝

口瘡

服涼藥不愈者此中焦氣不足虛火泛上無制用理

中湯甚者加附子

或噙官桂亦可

又方用西瓜漿水口痛甚者以此徐徐飲之冬月紫

榴皮燒灰噙之

酒皸鼻 血熱入肺

四物湯加陳皮紅花酒炒黃芩煎入好酒數滴就炒

五靈脂末服効

又用桐油入黃連以天弔藤燒油熱傅之

肺癰

已破入風者不治 搜風湯吐之 出醫壘元戎

收欬瘡口止有合懽樹皮白欬煎湯飲之

肺痿

專主養肺養血養氣清金

欽定四庫全書 金匱鉤玄 卷二

天庖瘡

通聖散及蚯蚓泥畧炒蜜調傅之妙

從肚皮上起者裏熱發外還服通聖散可也

漏瘡

須先服補藥以生氣血即參芪朮歸芎為主大劑服

之外以附子末唾和作餅如錢厚以艾炷灸之漏

大艾炷亦大漏小艾炷亦小但灸令微熱不可令

痛乾則易之乾研為末再和再灸如困則止來日



如前法再炙直至肉平為効亦有用附牛炙仍前
氣血藥作膏藥貼之

痔漏

用五倍子朴硝桑寄生蓮房煎湯先薰後洗腫者用
木鱉子五倍子研細末調傳

漏專以涼藥為主

痔漏方

人參 黃芪 當歸 川芎 升麻 枳殼

欽定四庫全書 金匱鉤玄 卷二

條芩 槐角

腸癰

作濕熱 食積治 入風難治

治漏外塞藥 蘆甘石小便煨 牡礪粉

結核

或在頸或項在身在臂如腫毒者多痰注作核不散

治耳後項門各一塊

僵蚕炒青黛 膽星 酒大黃

右為末蜜丸噙化之

頸頰下生痰核

二陳湯加炒大黃 連翹 桔梗 柴胡

治臂核作痛

連翹 防風 川芎 酒芩 蒼朮 皂角刺

治還跳穴痛防生附骨癰方

以蒼朮佐黃栢之辛行以青皮冬月加桂枝夏月
加條子黃芩體虛者加土牛膝以生甘草為使大

欽定四庫全書 金匱鉤玄 卷二

料煎入生薑汁帶辣食前飲之病甚者加黃栢桂
枝十數貼發不動少加大黃一兩貼又不動者恐
癰將成矣急櫛地成坑以火煨紅沃以小便赤體
坐其上以被蓆圍抱下體伏熱氣薰蒸腠理開血
氣暢而愈

脫肛

氣熱 氣虛

氣虛補氣用 人參 當歸 黃芪 川芎 升麻



血虛者四物湯

血熱者涼血四物湯加黃柏炒

欽定四庫全書



金匱鈞玄
卷二

金匱鈞玄卷二



迪志文化出版有限公司出版

欽定四庫全書

子部
金匱鈞玄卷三

詳校官太醫院八品吏目黃發

編修臣倉聖脈覆勘

總校官知縣臣楊懋珩

校對官中書臣康儀鈞

謄錄監生臣喬元賦



迪志文化出版有限公司出版

欽定四庫全書

金匱鈞玄卷三

元 朱震亨 撰

婦人科

經水經候過期而作疼者乃虛中有熱所以作疼

經水不及期血熱也四物湯加黃連

經候將來而作疼者血實也

桃仁 香附 黃連

欽定四庫全書 金匱鈞玄 卷三

過期乃血少也

川芎 當歸 帶人參白朮與痰藥

過期紫黑色有塊血熱也必作痛

四物湯加 黃連 香附

淡色過期者乃痰多也

二陳湯加 川芎 當歸

紫色成塊者乃是熱也四物湯加黃連之類

痰多占住血海地位因而下多者目必漸昏肥人如

此

南星 蒼朮 香附 川芎 作丸服

肥人不及日數而多者痰多血虛有熱前方加黃連

白朮若血枯經閉者四物湯加桃仁紅花

軀肥脂滿經閉者導痰湯加芎連不可服地黃泥隔

故也如用以生薑汁炒

血崩

崩之為病乃血之天下豈可為寒但血去後其人必

欽定四庫全書 金匱鈞玄 卷三

虛當大補氣血

東垣有治法但不言熱其主於寒學者宜再思之

急則治其標白芷湯調百草霜

甚者棕櫚皮灰後用四物湯加乾薑調理

因勞者用參芪帶升補藥

因寒者加乾薑 因熱者加黃芩參芪

崩過多者先服五靈脂末一服當分寒熱五靈脂能

行能止婦人血崩用白芷香附為丸



白帶用椒目末又用白芷末

一方用生狗頭骨燒灰存性或酒調服或入藥服之

又方用五靈脂半生半熟為末以酒調服

氣虛血虛者皆於四物湯加人參黃芪

漏下乃熱而虛者四物湯加黃連

帶下赤白 赤屬血 白屬氣 主治燥濕為先

帶漏俱是胃中痰積流下滲入膀胱宜升無人知此

肥人多是濕痰

欽定四庫全書 金匱鉤玄 卷三

海石 半夏 南星 蒼朮 川芎 椿皮

黃栢

瘦人帶病如有帶者是熱也

黃栢 滑石 川芎 椿皮 海石

甚者上必用吐以提其氣下用二陳湯加蒼朮白朮

仍用丸子 一本作瓦龍子

又云赤白帶皆屬於熱出於大腸小腸之分

一方黃荊子炒焦為末米飲湯下治白帶亦治心痛

羅先生治法或十棗湯或神祐丸或玉燭散皆可用

不可峻攻實者可用此法虛則不宜

血虛者加減四物湯

氣虛者以參朮陳皮間與之

濕甚者用固腸丸

相火動者於諸藥中加少炒栢

滑者加龍骨赤石脂

滯者加葵花性燥者加黃連

欽定四庫全書 金匱鉤玄 卷三

寒月少入薑附臨機應變必須斷厚味

又方用

良薑 芍藥 黃栢二錢各 入椿樹皮末一兩

右為末粥為丸每服三四十丸

痰氣帶下者

蒼朮 香附 滑石 蛤粉 半夏 茯苓

婦人上有頭風鼻涕下有白帶

南星 蒼朮 黃栢炒焦 滑石 半夏 川芎



辛夷 牡蠣粉炒 茯苓

白帶兼痛風

半夏 茯苓 川芎 陳皮 甘草 蒼朮浸炒

南星 牛膝酒洗 黃柏酒浸晒乾炒

子嗣

肥盛婦人不能孕育者以其身中脂膜閉塞子宮而

致經事不能行可用導痰湯之類

瘦怯婦人不能孕育者以子宮無血精氣不聚故也

欽定四庫全書 金匱鉤玄 卷三

可用四物湯養血養陰等藥

產前胎動

孕婦人因火動胎逆上作喘者急用條黃芩香附之

類將條芩更於水中沉取重者用之

固胎

地黃半錢 人參 白芍各一錢 白朮半一錢 川芎

歸身尾一錢半 陳皮 甘草二錢 糯米十四粒

黃連些少 黃柏些少 桑上羊兒藤七葉完者

右咬咀煎湯服之

血虛不安者用阿膠 痛者縮砂行氣故也

一切病不可表

惡阻 從痰治

戴云惡阻者謂婦人有孕惡心阻其飲食者是也

肥者有痰瘦者有熱多用二陳湯

或白朮為末水丸隨所好或湯或水下

婦人懷妊愛物乃一藏之虛假如肝藏虛其肝氣止

欽定四庫全書 金匱鉤玄 卷三

能生胎無餘物也

血塊死血食積痰飲成塊在兩脇動作腹鳴嘈雜眩

暈身熱時作時止

黃連一兩一半 益智半兩 萊菔半兩 山梔半兩

台芎半兩 香附一兩 用童便浸 蘿蔔子半兩 山查一兩

三稜 青皮 神麴各半兩 莪朮半兩 用醋煮 米

桃仁半兩 留尖去皮 白芥子半兩 瓦龍子消血 為末作

丸子服之



一婦人血塊如盤有孕難服峻削

香附四兩醋煮 桃仁一兩去皮尖 海石二兩醋煮 白朮一兩 為末

神麴為丸

束胎

束胎丸第八箇月服

黃芩酒炒夏用一兩秋用七錢半 茯苓七錢半 陳皮二兩忌火

白朮二兩 粥為丸

束胎散即達生散

欽定四庫全書 金匱鉤玄 卷三

人參半錢 陳皮半錢 白朮 白芍 歸身尾各一錢

甘草二錢炙 大腹皮三錢 紫蘇半錢

或加枳殼砂仁作一貼入青葱五葉黃楊木葉稍十

箇煎待於八九箇月服十數貼甚得力或夏加黃

芩冬不必加春加川芎或有別證以意消息

第九箇月服

黃芩一兩宜涼藥怯弱人減半 白朮一兩 枳殼七錢半炒

滑石七錢小 便多時減此一味



迪志文化出版有限公司出版

右為末粥為丸如梧桐子大每服三十丸空心熱湯下不可多恐損元氣

安胎

白朮 黃芩 炒麵 粥為丸

黃芩安胎乃上中二焦藥能降火下行

縮砂安胎治痛行氣故也

益母草即茺蔚子治產前產後諸病能行血養血難

產作膏 地黃膏 牛膝膏

欽定四庫全書 金匱鉤玄 卷三

胎漏 氣虛 血虛 血熱

戴云胎漏者謂婦人有胎而血漏下者

子腫 濕多

戴云子腫者謂孕婦手足或頭面通身浮腫者是

也用山梔炒一合米飲湯吞下 三因方中有

鯉魚湯

難產

難產之由亦是八九箇月內不謹者



迪志文化出版有限公司出版

氣血虛故亦有氣血凝滯而不能轉運者
催生方

白芷灰 滑石 百草霜

右為末芎歸湯或薑汁調服之

治胎衣不下

婦人大全方別有藥

產後 血暈

虛火戴血漸漸暈來

欽定四庫全書

金匱鉤玄
卷三

用鹿角燒灰出火毒研為極細末以好酒調灌下即

醒行血極快也

又方用韭葉細切盛於有嘴瓶中以熱醋沃之急封

其口以嘴塞產婦鼻中可愈眩暈

產後補虛

人參 白朮 錢各二 黃芩 陳皮 川芎 錢各半

歸身尾 錢半 甘草 錢一 有熱加 生薑 錢三 茯苓 錢一

必用大補氣血雖有雜證以未治之

當清熱補血氣

消血塊

滑石 錢三 沒藥 錢一 麒麟竭 錢一 無則用牡丹皮 為

末醋糊作丸

瓦龍子能消血塊

泄

川芎 黃芩 白朮 茯苓 乾薑 滑石

白芍 炒 陳皮 哎咀煎湯服

欽定四庫全書

金匱鉤玄
卷三

惡露不盡

謂產後敗血所去不盡在小腹作痛

五靈脂 香附末 蛤粉 醋丸 甚者入桃

仁 不去尖

如惡血不下以五靈脂為末神麴糊丸白朮陳皮湯

下

中風

不可作風治切不可以小續命湯服之必大補氣血



然後治痰當以左右手脉分其氣血多少而治
口眼喎斜不可服小續命湯

發熱惡寒

大發熱必用乾薑輕用茯苓淡滲其熱一應苦寒熱
發表藥皆不可用也

纔見身熱便不可表發熱惡寒皆是氣血

左手脉不足補血藥多於補氣藥

右手脉不足補氣藥多於補血藥

欽定四庫全書



金匱鉤玄
卷三

惡寒發熱腹滿者當去惡血腹滿者不是腹痛者是
產後不可下白芍以其酸寒伐生發之氣故也
產後一切病皆不可發散

小兒科

小兒食積痰熱傷乳為病大槩肝與胆病多

小兒肝病多及大人亦然肝只是有餘腎只是不足

吐瀉黃疸

三稜 莪朮 陳皮 青皮 神麴 麥芽

甘草 白朮 茯苓 黃連
右為末水調服

傷乳吐瀉者加山查 時氣吐瀉者加滑石 發熱
者加薄荷

吐瀉用益元散錢氏五補五瀉之藥俱可用

急慢驚風

發熱 口瘡 手心伏熱 痰熱 痰喘 痰嗽

並用通法重則用瓜蒂散輕則用苦參赤小豆末瀕

欽定四庫全書



金匱鉤玄
卷三

酸薑汁調服吐之後用通聖散蜜丸服之

驚有二證一者熱痰主急驚當直瀉之一者脾虛乃
為慢驚所主多死當養脾

東垣云慢驚者先實脾土後散風邪

急者只用降火下痰養血

慢者只用硃砂安神丸更於血藥中求之

黑龍丸

牛膽南星 礞石 各一兩 煅 天竺黃

硝等分



青黛 各半 兩 蘆薈 二兩 半 硃砂 三錢 僵蚕 五分

蜈蚣 二錢 半 火 燒存性

右為細末煎甘草湯膏丸如雞頭大每服一丸或

二丸急驚薄荷湯下慢驚桔梗白朮湯下

神聖牛黃奪命散

檳榔 半兩 木香 三錢 大黃 二兩 兩 麵 裹 煨熟為末

黑牽牛 一兩 半 生 用 一 半 炒 用

右為一處研作細末入輕粉少許每服二錢用蜜

欽定四庫全書 金匱鈞玄 卷三

漿水調下不拘時候微利為度

疳病

胡黃連丸

胡黃連 半錢 去 果積 阿魏 一錢 半 煮 去 果 積 麝香 四分 粒

神麴 二錢 半 去 食 積 黃連 二錢 半 炒 去 食 積

右為末猪膽汁丸如黍米大每服二十九丸白朮湯

下

小兒疳病腹大黃連丸二十九丸白朮湯下

痘瘡

分氣虛血虛補之

氣虛用人參白朮加解毒藥

但見紅點便忌升麻葛根湯發得表虛也

吐瀉少食為裏虛不吐瀉能食為實

裏食而補則結癰腫

陷伏倒靨灰白為表虛或用燒人屎黑陷甚者燒人

屎紅活綻凸為表實而後用表藥則要潰爛不結

欽定四庫全書 金匱鈞玄 卷三

痂二者俱見為表裏俱虛

痘瘡或初出或未出時人有患者宜預服此藥多者

合少重者合輕方用絲瓜近蒂三寸連瓜子皮燒

灰存性為末砂糖拌喫入硃砂末亦可

解痘瘡毒藥

絲瓜 升麻 酒芍藥 甘草 生用

糖毬 黑荳 犀角 赤小豆

解痘瘡法已出未出皆可用硃砂為末以蜜水調服



多者可減少者可無

腹脹

蘿蔔子蒸 紫蘇梗 陳皮 乾薑各等分

甘草減半 食減者加白朮煎服

夜啼

人參一錢半 黃連一錢半 甘草半錢 竹葉二十片

作二服加薑一片煎服之

口糜

欽定四庫全書
金匱鉤玄
卷三

戴云謂滿口生瘡者便是

江茶粉草傳之

又方苦參黃丹五倍子青黛各等分傳之

脫囊腫大

戴云脫囊者陰囊腫大墜下不收上之說

木通 甘草 黃連 當歸 黃芩 煎服

脫囊紫蘇葉為末水調傳上荷葉裹之

脫肛

戴云脫肛者大腸脫下之說

東北方陳壁上土湯泡先薰後洗亦可脫囊用藥服

之

木舌

戴云木舌者舌腫硬不和軟也又言重舌者亦是

此類二者蓋是熱病用

百草霜 滑石 芒硝 為末酒調敷

癰疹 黑斑 紅斑 瘡癢

欽定四庫全書
金匱鉤玄
卷三

用通聖散調服

咯紅

戴云咯紅者即唾內有血非吐血與咳血

黑荳 甘草 陳皮 煎服

喫泥 胃熱故也

軟石膏 甘草 黃芩 陳皮

茯苓 白朮 煎服

痢疾 食積



黃芩 黃連 陳皮 甘草 煎服	赤痢加紅花桃仁 白痢加滑石末	食積痢	炒麴 蒼朮 滑石 芍藥 黃芩	白朮 甘草 陳皮 茯苓	右咬咀煎下保和丸	解顱	乃是母氣虛與熱多耳	欽定四庫全書 金匱鉤玄 卷三	戴云即初生小兒頭上骨未合而開者	右以四君子湯四物湯有熱加酒芩炒黃連生甘草煎服外以帛束緊用白歛末敷之	蛇蛭	練樹根為君佐以二陳湯煎服	口噤	鬱金 藜蘆 瓜蒂 為末搐鼻	風痰
----------------	----------------	-----	----------------	-------------	----------	----	-----------	----------------------	-----------------	-----------------------------------	----	--------------	----	---------------	----

南星 半兩切 白礬 半兩入器中水高一指浸晒乾研細末入	白附子 二兩 用飛白麵為丸如鷄頭大每服一丸或二丸薑蜜薄荷湯化下服之	癰頭	用紅炭煨長流水令熱洗之又服酒製通聖散除大黃酒炒外以胡荽子伏龍肝懸龍尾黃連白礬為末調敷	又方用	欽定四庫全書 金匱鉤玄 卷三	松樹厚皮 燒灰二兩 白膠香 熬沸傾石上二兩	黃丹 一兩飛 白礬 半兩火飛 軟石膏 一兩	黃連 半兩 大黃 五錢 輕粉 四釐	右極細末熬熟油調敷瘡上須先洗了瘡口敷乃佳	赤溜	生地黃 木通 荊芥	苦藥帶表之類 用芭蕉油塗患處
----------------------------	-----------------------------------	----	--	-----	----------------------	-----------------------	-----------------------	-------------------	----------------------	----	-----------	----------------



鼻赤

雄黃 黃丹 同敷

一小兒好喫粽成腹痛

黃連 白酒藥 為末調服乃愈

欽定四庫全書

金匱鉤玄
卷三

火豈君相五志俱有論

火之為病其害甚大其變甚速其勢甚彰其死甚暴何者蓋能燔灼焚焰飛走狂越消爍於物莫能禦之遊行乎三焦虛實之兩途曰君火也猶人火也曰相火也猶龍火也火性不妄動能不違道於常以稟位聽命運行造化生存之機矣夫人在氣交之中多動少靜欲不妄動其可得乎故凡動者皆屬火龍火一妄行元氣受傷勢不兩立偏勝則病移他經事非細故動之極也病則死矣經所以謂一水不勝二火之火出於天造君相之外又有厥陰藏府之火根於五志之內六欲七情激之其火隨起大怒則火起於肝醉飽則火起於胃房勞則火起於腎悲哀動中則火起於肺心為君主自焚則死矣丹溪又啟火出五藏主病曰諸風掉眩屬於肝火之動也諸瘡痛瘍屬於心火之用也諸氣憤鬱屬於肺火之升也諸濕腫滿屬於脾火之勝也經所謂一水不勝五火之火出自人為又考內經病機一十九條內舉屬

欽定四庫全書

金匱鉤玄
卷三



火者五諸熱脅癭皆屬於火諸禁鼓慄如喪神守皆屬於火諸氣衝上皆屬於火諸燥狂越皆屬於火諸病肘腫疼痠驚駭皆屬於火而河間又廣其說火之致病者甚多深契內經之意曰喘嘔吐酸暴疰下迫轉筋小便渾濁腹脹火鼓之有聲癰疽瘍疹瘤氣結咳吐下霍亂脅鬱腫脹鼻塞衄血溢血泄淋閉身熱惡寒戰慄驚惑悲笑譫妄衄蟻血汚之病皆少陰君火之火乃真心小腸之氣所為也若脅癭暴瘡胃昧躁擾狂越罵詈驚駭肘腫痠疼氣逆上衝禁慄如喪神守嘔嘔瘡瘍喉症耳鳴及聾嘔湧溢食不下目昧不明暴注暈瘕暴病暴死此皆少陽相火之熱乃心包絡三焦之氣所為也是皆火之變見於諸病也謂為脉虛則浮大實則洪數藥之所主各因其屬君火者心火也可以濕伏可以水滅可以直折惟黃連之屬可以制之相火者龍火也不可

欽定四庫全書

金匱鉤玄
卷三

黃連瀉心火黃芩瀉肺火芍藥瀉脾火柴胡瀉肝火知母瀉腎火此皆苦寒之味能瀉有餘之火耳若飲食勞倦內傷元氣火不兩並為陽虛之病以甘溫之劑除之以黃芪人參甘草之屬若陰微陽強相火熾盛以乘陰位日漸煎熬為火虛之病以甘寒之劑降之如當歸地黃之屬若心火亢極鬱熱內實為陽強之病以鹹冷之劑折之如大黃朴硝之屬若腎水受傷其陰失守無根之火為虛之病以壯水之劑制之如生地黃玄參之屬若右腎命門火衰為陽脫之病以溫熱之劑濟之如附子乾薑之屬若胃虛過食冷物抑遏陽氣於脾土為火鬱之病以升散之劑發之如升麻乾葛柴胡防風之屬不明諸此之類而求火之為病施治何所依據故於諸經集畧其說畧備處方之用庶免實實虛虛之禍也

欽定四庫全書

金匱鉤玄
卷三

氣屬陽動作火論

悍衛冲和不息之謂氣擾亂妄動變常之謂火當其和平之時外護其表復行於裏周流一身循環無端出入



升降繼而有常源出中焦總統於肺氣曷嘗病於人也
及其七情之交攻五志之間發乖戾失常清者遽變之
為濁行者抑遏而反止表失衛護而不和內失健悍而
少降營運漸遠肺失主持妄動不已五志厥陰之火起
焉上燔肺氣乃病焉何者氣本屬陽反勝則為火矣河
間有曰五志過極則為火也何後世不本此議而一槩
類聚香辛燥熱之劑氣作寒治所據何理且言七氣湯
製作其用青皮陳皮三稜蓬朮益智官桂甘草遂以為
欽定四庫全書
金匱鉤玄
卷三



豈理之謂歟若香辛燥熱之劑但可劫滯氣衝快於一
時以其氣久抑滯借此暫行開發之意藥中無佐使制
伏所起之氣服之甚則增熾鬱火蒸薰氣液而成積自
積滋長而成痰一飲下隔氣乃氤氳清虛之象若霧露
之着物雖滯易散內挾痰積開而復結服之日久安有
氣實而不動氣動而不散者乎此皆人所受誤之由習
俗已久相沿而化卒莫能救升發太過香辛散氣燥熱
傷氣真氣耗散濁氣上騰猶曰腎虛不能攝氣歸原遂
與蘇子降氣湯四磨湯下黑錫丹養氣丹鎮墜上升之
氣且流黃黑錫佐以香熱又無補養之性藉此果能生
氣而補腎乎請熟詳之夫濕痰盛甚者亦或當之初服
未顯憎變由其喜墜而愈進形質弱者何以收救不悟
肺受火炎子氣亦弱降令不行火無以制相扇而動本
勢空虛命絕如縷積而至深丹毒濟火一旦火氣狂散
喘息奔急而死所以有形丹石丸藥重墜無形之氣將
何抵受隨而降之乎譬以石投水水故未嘗沉也豈不



死歟丹溪有曰上升之氣自肝而出中挾相火其熱愈甚自覺無冷非無冷也火熱似水積熱之甚陽亢陰微故有此證認假作真似是之禍可勝言哉內經雖云百病皆生於氣以正氣受邪之不一也今七情傷氣鬱結不舒痞悶壅塞發為諸病當詳所起之因滯於何經上下部分藏氣之不同隨經用藥有寒熱溫涼之同異若枳殼利肺氣多服損胃中至高之氣青皮瀉肝氣多服損真氣與夫木香之汗中下焦氣香附之快滯氣陳皮之泄氣霍香之馨香上行胃氣紫蘇之散表氣厚朴之瀉衛氣檳榔之瀉至高之氣沉香之升降其氣腦麝之散真氣若此之類氣實可宜其中有行散者有損泄者其過劑乎用之能却氣之標而不能治氣之本豈可又佐以燥熱之藥以火濟火混同謂治諸氣使之常服多服可乎氣之與火一理而已動靜之變反化為二氣作火論治與病情相得丹溪發揮論云冷生氣者出於高陽生之謬言也身非自受寒氣口食寒物而足論寒者

欽定四庫全書

金匱鉤玄
卷三



迪志文化出版有限公司出版

吾恐十之無一二也

血屬陰難成易虧論

內經曰榮者水穀之精也和調五藏洒陳於六腑乃能入於脉也源源而來生化於脾總統於心藏於脾肝宣布於肺施泄於腎灌溉一身目得之而能視耳得之而能聽手得之而能攝掌得之而能握足得之而能步藏得之而能液腑得之而能氣是以出入升降濡潤宣通者由此使然也注之於脉少則濇充則實常以飲食日滋故能陽生陰長取汗變化而亦為血也生化旺則諸經恃此而長養衰耗竭則百脉由此而空虛可不謹養哉故曰血者神氣也持之則存失之則亡是知血盛則形盛血弱則形衰神靜則陰生形役則陽亢陽盛則陰必衰又何言陽旺而生陰血也蓋謂血氣之常陰從乎陽隨氣運行於內而無陰以羈束則氣何以樹立故其致病也易而調治也難以其比陽常虧而又損之則陽易亢陰易乏之論可以見矣諸經有云陽道實陰道虛

欽定四庫全書

金匱鉤玄
卷三



迪志文化出版有限公司出版

陽道常饒陰道常乏陽常有餘陰常不足以人之生也年至十四而經行至四十九而經斷可見陰血之難成易虧知此陰氣一虧傷所變之證妄行於上則吐衄衰涸於外則虛勞妄返於下則便紅稍有熱則膀胱癰閉溺血滲透腸間則為腸風陰虛陽搏則為崩中濕蒸熱瘀則為滯下熱極腐化則為膿血火極似水血色紫黑熱盛於陰發於瘡瘍濕滯於血則為痛癢癰疹皮膚則為冷痺畜之在上則人喜忘畜之在下則為喜狂墮恐

欽定四庫全書

金匱鉤玄
卷三

跌仆則瘀惡內凝若分部位身半已上同天之陽身半已下同地之陰此特舉其所顯之證者治血必血屬之藥欲求血藥其四物之謂乎河間謂隨證輔佐謂之六合湯者詳言之矣余故陳其氣味專司之要不可不察夫川芎血中之氣藥也通肝經性味辛散能行血滯於氣也地黃血中血藥也通腎經性味甘寒能生真陰之虛也當歸分三治血中主藥通腎經性味辛溫全用能活血各歸其經也芍藥分陰藥也通脾經性味酸寒能



迪志文化出版有限公司出版

和血氣腹痛也若求陰藥之屬必於此而取則焉脾胃論有云若善治者隨經損益損其一二味之所宜為主治可也此特論血病而求血藥之屬者也若氣虛血弱又當從長沙血虛以人參補之陽旺則生陰血也若四物者獨能主血分受傷為氣不虛也輔佐之屬若桃仁紅花蘇木血竭牡丹皮者血滯所宜蒲黃阿膠地榆百草霜欄灰者血崩所宜乳香沒藥五靈脂凌霄花者血痛所宜荏蓉瑣陽牛膝枸杞子益母草夏枯草敗龜板

欽定四庫全書

金匱鉤玄
卷三

者血虛所宜乳酪血液之物血燥所宜乾薑桂者血寒所宜生地黃苦參血熱所宜此特取其正治之大畧耳以其觸類而長可謂無窮之應變矣

滯下辯論

滯下之病嘗見世方以赤白而分寒熱妄用兜澀燥劑止之或言積滯而行巴礪丸藥攻之或指濕熱而與淡滲之劑利之一偏之誤可不明辯乎謹按原病式所論赤白同於一理反復陳喻但不熟察耳果腸胃積滯不



迪志文化出版有限公司出版

行法當辛苦寒涼藥推陳致新蕩滌而去不宜巴礪毒熱下之否則鬱結轉甚而病變危者有之矣若瀉痢不分兩證混言濕熱不利小便非其治也夫泄者水穀濕之象滯下者垢瘕之物同於濕熱而成治分兩岐而藥亦異若淡滲之劑功能散利水道濁流得快使泄自止此有無之形豈可與滯下混同論治而用導滯行積可乎其下痢出於大腸傳送之道了不干於腎氣所下有形之物或如魚腦或下如豆汁或便白膿或下純血或赤或白或赤白相雜若此者豈可與瀉混同論治而用淡滲利之可乎嘗原其本皆由腸胃日受飲食之積餘不盡行留滯於內濕蒸熱瘕鬱結日深伏而不作時逢炎暑不行相火司令又調攝失宜復感酷熱之毒至秋陽氣始收火氣下降蒸發畜積而滯下之證作矣以其積滯之滯行故名之曰滯下其濕熱瘕積干於血分則赤干於氣分則白赤白兼下氣血俱受邪矣久而不愈氣弱不運脾積不磨陳積脫滑下凝猶若魚腦矣甚則

欽定四庫全書

金匱鉤玄
卷三



迪志文化出版有限公司出版

腸胃空虛關司失守濁液并流色非一類錯雜混下注出狀如豆汁矣若脾氣下陷虛坐努責便出色如白膿矣其熱傷血深濕毒相瘕粘結紫色則紫黑矣其污濁積而欲出氣滯而不與之出所以下迫窘痛後重裏急至圍而不能便總行頻併亦少乍止乍起而不安此皆大腸經有所壅遏窒碍氣液不得宣通故也衆言難處何法則可求之長沙論云利之可下者悉用大黃之劑可溫者悉用薑附之類何嘗以巴礪熱毒下之緊澁重欲兜之又觀河間立言後重則宜下腹痛則宜和身重則宜溫脉弦則去風膿血粘稠以重藥竭之身冷自汗以重藥溫之風邪內縮宜汗之驚澹為痢當溫之在表者汗之在裏者下之在上者湧之在下者竭之身表熱者內疎之小便澁者分利之用藥輕重之別又加詳載行血則便自愈調氣則後重自除治實治虛之要論而丹溪又言大虛大寒者其治驗備載局方發揮觀此諸法豈可膠柱而調瑟又有胃弱而閉不食此言禁口痢

欽定四庫全書

金匱鉤玄
卷三



迪志文化出版有限公司出版

病七方未有詳論者以內經大法推之內格嘔逆火起炎上之象究乎此則胃虛木火乘之是土敗木賊也見此多成危候

三焦之疾燥熱勝陰

嘗讀劉河間先生三消之論始言天地六氣五味以配養人身六位五藏而究乎萬物之源終引內經論渴諸證以辯乎世方熱藥之悞此比物立象反復詳明非深達陰陽造化之機者孰能如是邪請陳其畧夫經中有

欽定四庫全書

金匱鉤玄
卷三

言心肺氣厥而渴者有腎熱而渴者有言胃與大腸結熱而渴者有因脾痺而渴者有因小腸痺熱而渴者有因傷飽肥甘而食渴者有因醉飽入房而渴者有因遠行勞倦遇天熱而渴者有因傷害胃乾而渴者有因腎熱而渴者有因痛風而渴者雖五藏之部分不同而病之所遇各異其功燥熱之液一也三消之熱本濕寒之陰氣衰燥熱之陽氣大甚皆因乎飲食之餌失節腸胃乾涸而氣液不得宣平或耗亂精神過違其度或因大

病陰氣損而血液衰虛陽氣悍而燥熱鬱甚或因久嗜鹹物恐食炙煇飲食過度亦有年少服金石丸散積久實熱結於下焦虛熱血氣不能制實熱燥甚於腎故渴而不飲若飲水多而小便多者名曰消渴若飲食多而不甚渴小便數而消瘦者名曰消中若渴而飲水不絕腿消瘦而小便有脂液者名曰腎消此三消者其燥熱同也故治疾者補腎水陰寒之虛而瀉心火陽熱之實除腸胃燥熱之甚濟身津液之衰使道路散而不結津液生而不枯氣血利而不澁則病日已矣豈不以滋潤之劑養陰以制燥滋水而克液哉何故泄漏消渴多者不知其書謂因下部腎水虛不能制其上焦心火使上實熱而多煩渴下虛冷而小便若更服寒藥則元氣轉虛而下部腎水轉衰則上焦心火尤難治也但以煖藥補養元氣若下部腎水得實而勝退上焦心火則自然渴止小便如常而病愈也吁若此未明陰陽虛實之道也夫腎水屬陰而本寒虛則為熱心火屬陽而本熱虛

欽定四庫全書

金匱鉤玄
卷三



則為寒若腎水陰虛則心火陽實是謂陽實陰虛而上下俱熱矣以彼人言但見消渴數洩妄言為下部寒爾豈知腸胃燥熱怫鬱使之然也且夫寒物屬陰能養水而瀉心熱物屬陽能養火而耗水今腎水既不能勝心火則上下俱熱奈何以熱養腎水欲令勝心火豈不聞哉彼不謂水氣實者必能制火虛則不能制火故陽實陰虛而熱燥其液小便淋而常少陰實陽虛不能制水小便利而常多此又不知消渴小便多者蓋燥熱太甚

欽定四庫全書

金匱鉤玄
卷三

而三焦腸胃之勝理怫鬱結滯緻密壅塞而水液不能滲泄浸潤於外以養乎百骸故腸胃之外燥熱太甚雖多飲水入於腸胃之內終不能浸潤於外故渴不止而小便多水液既不能滲泄浸潤於外則陰燥竭而無以自養故久而多變為聾盲瘡瘍痲痺之類而危殆其為燥熱傷陰也明矣

泄瀉從濕治有多法

泄瀉者水瀉所為也由濕本土土乃脾胃之氣也得此

證者或因於內傷或感於外邪皆能動乎脾濕脾病則升舉之氣下陷濕變注并出大腸之道以胃與大腸同乎陽明一經也云濕可成泄垂教治濕大意而言後世方論泥云治濕不利小便非其治也故凡泄瀉之藥多用淡滲之劑利之下久不止不分所得之因遽以為寒而用緊澀熱藥兜之夫泄有五殮泄者水穀不化而完出濕兼風也溏泄者所下汁積粘垢濕兼熱也驚泄者所下澄徹清冷小便清白濕兼寒也濡泄者體重軟弱

欽定四庫全書

金匱鉤玄
卷三

泄下多水濕自甚也滑泄者久下不能禁固濕勝氣脫也若此有寒熱虛實之不同舉治不可執一而言謹書數法於後夫泄有宜汗解者經言春傷於風夏必殮泄又云久風為殮泄若保命集云用蒼朮麻黃防風之屬是也有宜下而保安者若長沙言下痢脉滑而數者有宿食也當下之下利已差至其時復發者此為下未盡更下之安悉用大承氣湯加減之劑有宜化而得安者格致餘論夏月患泄百方不効視之久病而神亦瘁小



便少而赤脉滑而頗弦格悶食減因悟此久積所為積濕成痰留於肺中宜大腸之不固也清其源則流自清以茱萸等作湯溫服一碗許探喉中一吐痰半升如利減一半次早晨飲吐半升而利止有以補養而愈者若脾胃論言脉弦氣弱自汗四肢發熱大便泄瀉從黃芪建中湯有宜調和脾濕而得止者若潔古言曰四肢懶倦小便不利大便走泄沉困飲食減少以白朮芍藥茯苓加減治之有宜升舉而安者若試効方言胃中濕脾弱不能運行食下則為泄助甲膽風勝以尅之以升陽之藥羌活獨活升麻防風炙甘草之屬有宜燥濕而後除者若脾胃論言土濕有餘脉緩怠惰嗜卧四肢不收大便泄瀉從平胃散有宜寒涼而愈者若長沙言協熱自利者黃芩湯主之舉其濕熱之相宜者若長沙言下利脉遲緊痛未欲止當混之下利心痛急當救裏下利清白水液澄徹可與理中四逆湯輩究其利小便之相宜者河間言濕勝則濡泄小便不利者可與五苓散益

欽定四庫全書

金匱鉤玄
卷三



迪志文化出版有限公司出版

元散分導之以其收斂之相宜者東垣言寒滑氣泄不固製訶子散澁之以上諸法各有所主宜獨利小便而濕動也豈獨病因寒必待龍骨石脂緊重燥毒之屬澁之治者又當審擇其說一途取利約而不博可乎

欽定四庫全書

金匱鉤玄
卷三

金匱鉤玄卷三



迪志文化出版有限公司出版